




山川典第二百十七卷

河部彙考一

西瀆大河

黃河發源自星宿海經崑崙過積石歷陝西山西河南合沁濟諸水至江南之徐州又合山東汶泗諸水以資運道自徐經邳至清河縣東與淮水合流俱經安東縣由雲梯關入于海

考

按書經夏書禹貢導河積石至于龍門南至華陰東至于底柱又東至于孟津東過洛汭至于大伾北過泲水至于大陸又北播爲九河同爲逆河入于海

蔡傳

積石龍門見雍州華陰華山之北也孟

地名津渡處也杜預曰在河內郡河陽縣南今孟州河陽縣也武王師渡孟津者卽此今名富平津洛汭洛水交流之內在今河南府鞏縣之東洛之入河實在東南河則自西而東過之故曰東過洛汭大伾孔氏曰山再成曰伾張揖以爲在成皐鄭元以爲在修武武德巨瓚以爲修武武德無此山成皐山又不再成今通利軍黎陽縣臨河有山蓋大伾也按黎陽山在大河垂欲趨北之地故禹記

之若成阜之山既非從東折北之地又無險礙如龍門底柱之須疏鑿西去洛汭既已大近東距澤水大陸又爲絕遠當以黎陽者爲是澤水地志在信都縣今冀州信都縣枯澤渠也程氏曰周時河徙矜磔至漢又改向頓丘東南流與禹河迹大相背戾地志魏郡鄴縣有故大河在東北直達于海疑卽禹之故河孟康以爲王莽河非也古澤瀆自唐貝州經城北入南宮貫穿信都大抵向北而入故河於信都之北爲合北過澤水之文當以信都者爲是逆河意以海水逆潮而得名九河既淪于海則逆河在其下流固不復有矣河上播而爲九下同而爲一其分播合同皆水勢之自然禹特順而導之耳今按漢西域傳張騫所窮河源云河有兩源一出葱嶺一出于闐于闐在南山下其河北流與葱嶺河合東注蒲昌海蒲昌海一名鹽澤去玉門陽關三百餘里其水停居冬夏不增減潛行地中南出積石又唐長慶中薛元鼎使吐蕃自隴西成紀縣西南出塞二千餘里得河源於莫賀延積尾曰悶磨黎山其山中高四下所謂崐崙也東北流與積石河相連河源澄瑩冬春可涉下稍合流色赤益遠他水并注遂濁吐蕃亦自言崐崙在其國西南二說恐薛氏爲是河自積石三千里而後至于龍門經但一書積石不言方向荒遠在所略也龍門而下因其所經記其自北而南則曰南

至華陰記其自南而東則曰東至底柱又詳記其東向所經之地則曰孟津曰洛汭曰大伾又記其自東而北則曰北過潞水又詳記其北向所經之地則曰大陸曰九河又記其入海之處則曰逆河自洛汭而上河行于山其地皆可攷自大伾而下垠岸高於平地故決蓄流移水陸變遷而潞水大陸九河逆河皆難指實然上求大伾下得碣石因其方向辨其故迹則猶可考也又按李復云同州韓城北有安國嶺東西四十餘里東臨大河潞河有禹廟在山斷河出處禹鑿龍門起於唐張仁愿所築東受降城之東自北而南至此山盡兩岸石壁峭立大河盤束於山峽間千數百里至此山開岸闊豁然奔放怒氣噴風聲如萬雷今按舊說禹鑿龍門而不詳其所以鑿誦說相傳但謂因舊修闢去其齟齬以決水勢而已今詳此說則謂受降以東至于龍門皆是禹新開鑿若果如此則禹未鑿時河之故道不知却在何處而李氏之學極博不知此說又何所考也

大王全氏大炎曰周定王五年河徙已非禹故道漢元光三年河徙東郡更注渤海繼決于瓠子又決于魏之館陶遂分爲屯氏河大河在西屯河在東二河相並而行元帝永光中又決于清河靈鳴犢口則河水分流入于博州屯河始壅塞不通後二年又決于平原則東入濟入青以達于海而下流與潞爲一王莽時河遂行潞

川大河不行于大伾之北而遂行于相魏之南則山澤左河之瀕者支川與河之相貫者悉皆易位而與禹貢不合矣方氏曰建紹後黃河決入鉅野溢于泗以入于淮者謂之南清河由汶合濟至滄州以入海者謂之北清河是時淮僅受河之半金之亡也河自開封北衛州決而入渦河以入淮一淮水濁受大黃河之全以輸之海濟水之絕于王莽時者今其源出河北溫州猶經枯黃河中以入汶而後趨海清濟貫濁河遂成虛論矣

按詩經衛風碩人章河水洋洋北流活活

注

河在齊西衛東北流入海洋洋盛大貌活活流貌

按周禮夏官職方氏河東曰堯州其川河涕

訂義

易氏曰禹貢言導河積石按漢志金城郡河關縣積

石山在西有唐及今爲積石軍然禹之導河始于積石其實河源遠而西塞之外漢張騫班固及水經山海經等皆不知其地唐穆宗長慶元年劉元鼎使吐蕃歸踰湟水湟水出蒙古抵龍泉與河合合河之上流由洪濟渠西南行二千里水益狹其南三百里三山中高而四下曰紫山古所謂崑崙者也其地蓋劍南之西虜曰悶摩黎山河源其間色赤行益遠他水并注則濁自此東北直莫賀延積尾入吐谷渾以至積石東北流至鄯州龍天縣界又東流至河州枹罕縣界又東流至蘭州五泉

縣又東北流至會州會靈縣又東北流至靈州迴樂縣又東北流至三受降城又東迤南至朔州之鄯陽縣又南流至嵐州合阿縣又南流至石州臨泉縣又南流至隰州永和縣又南流至慈州吉昌縣又南流至絳州龍門縣今以縣屬河中府乃龍門口卽禹貢所謂至于龍門者也又南流至陝州陝州對河爲華州華陰縣大華山在縣八里河經大華之北故曰華陰卽禹貢所謂南至于華陰也至此方自南迤東至陝州陝右縣今爲陝縣有底柱山在黃河中禹貢所謂東至于底柱也又東流至河南府之王屋縣又東流經本府之河陽縣今爲孟州有孟津禹貢所謂東至于孟津是也又東流經本府之鞏縣有洛水入河禹貢所謂東過洛汭是也又東流至衛州汲縣其黎陽縣有黎山卽禹貢所謂至于大伾是也又東北流至桐州臨河縣又東北流至澶州頓丘縣又北流至魏州貴鄉縣今省入于大名府之元城縣又東北流至貝州經城縣今省入大名之宗城縣又東北流至冀州南宮縣禹貢澤水亦入海以禹河東徙故自入海而不入于河澤水故漬在縣東南六里禹貢所謂北過澤水是也又冀州西北接邢趙深三州三州皆有大陸澤禹貢所謂至于大陸是也又東北流至滄州饒安縣卽禹貢北播爲九河同爲逆河入于海之地大抵河行萬餘里豈獨爲兗州之川禹

貢濟河爲兗州卽其地攷之自魏至滄凡一千三百餘里其河之東境皆兗州之域黃氏曰職方曰河東曰兗州蓋自黎陽北流兗冀分河爲界兗東而冀西

東北曰幽州其川河涕

訂義

易氏曰經

于兗州言其川河涕蓋兗州北距河而南據涕禹貢言濟河惟兗州則惟兗州之川宜也幽州遠在東北于河涕何與蓋幽州雖跨有遼水爲東北而實西南越海兼有青州之東北境所以瑯琊郡之糞養澤泰山郡之淄水千乘郡之時水皆在幽州之域光武十三年以遼東屬青州二十四年還屬幽州是知幽州實可以有青州王瓚張楫云九河陷海中是九河未陷之前凡登萊海岸及濱滄二州之東境皆在幽州之地與兗州東西分界故其川同於河涕王昭禹曰幽之川亦與兗同者蓋兗在河東北二州相連皆有河涕也禹貢又北播爲九河同爲逆河入于海道沈水東流爲濟則幽兗皆河涕所經之地

按爾雅釋水水自河出爲澨

注

書曰澨沮會同

疏

此大水分出別爲小水之名也註云書曰澨沮會

同者禹貢兗州云雷夏旣澤澨沮會同孔安國云雷夏澤名澨沮二水會同此澤引之證水自河出別名爲澨也

河出崑崙虛色白

注

山海經曰河出崑崙西北隅虛山下基也

所渠并千七

百一川色黃

注

潛流地中汨漱沙壤所受渠多衆水潤滑宜其濁黃

百里一小曲千里一曲一

直

注

公羊傳曰河曲流河千里一曲一直

注

此釋河源所自及遠近曲直之勢故下題云河曲云河

出崑崙虛色白者崑崙山名虛山下基也言河源出于崑崙山下之基其初纖微源高激湊故水色白也云所渠并千七百謂所受之渠并記凡有一千七百也云一川色黃者以其所受渠多沙壤潤滑故爲一川而水色黃也云百里一小曲千里一曲一直者此河自然之勢也故謂之河曲案海內西經云帝之下都崑崙之虛方八百里高萬仞河水出東北隅以行其北西南又入渤海又出海外卽西北而北入禹所導積石山又北山經云敦夢山敦夢水出焉西注渤海出乎崑崙東北隅實惟河源郭註云卽河出崑崙虛也今注云西北者蓋所見本異或傳寫誤註潛流至濁黃云潛流地中者按漢書西域傳云河有兩源一出蔥嶺一出于闐于闐在南山下其河北流與蔥嶺河合東注蒲昌海蒲昌海一名鹽澤者去玉門陽關二百餘里廣袤三百里其水亭居冬夏不增減皆以爲潛行地下南出積石爲中國河又山海經云不周山東望渤海河水之所潛也其源渾渾泡泡郭註云河出崑崙潛行地下至蔥嶺山于闐國復分流岐出合而東流注渤海又復潛行南出于積石而爲中

國河泐澤一名蒲昌海潛行渾渾泡泡水漬涌之貌其潛行地中也說文云汨水流也溷濁也渚雜亂也言水流漱其沙壤所受之渠又多衆水溷濁雜亂所以宜其水濁且黃也

按京房易傳河者經天亙地之水

按春秋說題辭河之爲言荷也荷精分布懷陰引度也

河以通乾出天苞洛以流坤吐地符河

龍圖發洛龜書感王者沈禮焉

按春秋考異郵河者水之氣四瀆之精所以流化故曰河潤千里

按孝經援神契河者水之伯上應天漢

按山海經西山經不周之山北望諸毗之山臨彼嶽崇之山東望泐澤河水所潛也其源渾渾泡泡

^注河出崑崙潛行地下至葱嶺出于闐國復分流岐出合而東流注泐澤已復潛行南出于積石山

而爲中國河也渾渾泡泡水漬涌之聲也衰咆二音 崑崙之丘實惟帝之下都河水出焉而南

流東注于無蓬

^注

下都天帝都邑之在下者也河水出山東北隅無蓬山名

積石之山其下有

石門河水冒以西流是山也萬物無不有焉

^注

冒猶覆也積石山今在金城河門關西南羌中河水

行塞外東入塞內

北山經敦薨之山敦薨之水出焉西流注于洧澤出于崑崙之東北隅實惟河源注卽河水出崑崙

之虛

中山經和山其上無草木而多瑤碧實惟河之九都是山也五曲九水出焉合而北流注于河

海外北經博父國積石之山在其東河水所入注河出崑崙而潛行地下至葱嶺復出注鹽澤從鹽

澤復行南出于此山而爲中國河遂注海也

海內西經海內崑崙之墟河水出東北隅以行其北西南又入渤海又出海外卽西而北入禹所導

積石山

海內北經從極之淵深三百仞維冰夷恆都焉冰夷人面乘兩龍一曰忠極之淵陽汙之山河出其

中凌門之山河出其中注冰夷馮夷也淮南云馮夷得道以潛大川卽河伯也陽汙凌門皆河之枝

源所出之處也

按漢書地理志河東郡大陽注應劭曰大陽在大河之陽 太原郡陽曲注應劭曰河千里一曲

當其陽故曰陽曲也

魏郡鄴注故大河在東北入海

館陶注河水別出爲屯氏河東北至

章武入海

黎陽注黎山在其南河水經其東

清河郡靈注河水別出爲鳴犢河東北至碣

入屯氏河

益州郡勝休注河水東至毋棧入橋

金城郡河關注積石山在西南羌中河水

行塞外東北入塞內至章武入海

安定郡胸卷注河水別出爲河溝東至富平北入河

按淮南子地形訓河水出崑崙東北陬貫渤海入禹所導積石山

河水中濁而宜菽

覽冥訓河九折注于海而流不絕者崑崙之輸也

按桓譚新論四瀆之源河最高而長從高注下其流激迅故爲平地災害

按後漢書郡國志隴西郡河關故屬金城積石山在西南河水出

按水經崑崙墟在西北去嵩高五萬里地之中也

注禹本紀與此同高誘稱河出崑山伏流地中萬

三千里禹導而通之出積石山按山海經自崑崙至積石一千七百四十里自積石出隴西郡至洛

準地志可五千餘里又按穆天子傳天子自崑崙山入于宗周乃里西土之數自宗周瀍水以西北

至于河宗之邦陽紆之山三千有四百里自陽紆西至河首四千里合七千四百里外國圖又云從

大晉國正西七萬里得崑崙之墟諸仙居之數說不同道阻且長逕記綿褫疑當作經水陸路殊徑

復不同淺見未聞非所詳究不能不聊述聞見以誌差違也 其高萬一千里注山海經稱方八

百里高萬仞郭景純以爲自上二千五百餘里淮南子稱高萬一千里百一十四步二尺六寸

河水注春秋說題辭曰河之爲言荷也荷精分布懷陰引度也釋名曰河下也隨地下處而通流也

考異郵曰河者水之氣四瀆之精也所以流化元命苞曰五行始焉萬物之所由生元氣之腴液也

管子曰水者地之血氣筋脈之通流者故曰水其具財也而水最爲大水有大小有遠近水出山而

流入海者命曰經水引他水入于大水及海者命曰枝水出於地溝流於大水及於海者又命曰川

水也莊子曰秋水時至百川灌河經流之大孝經援神契曰河者水之伯上應天漢新論曰四瀆之

源河最高而長從高注下水流激峻故其流急徐幹齊都賦曰川瀆則洪海洋發源崑崙九流分

遊玉海引北朝滄淵驚波浦厲望沫揚奔風俗通曰江淮河濟爲四瀆瀆通也所以通中國垢濁也

白虎通曰其德著大故稱瀆釋名曰瀆獨也各獨出其所而入海 出其東北陬注山海經曰崑

崙墟在西北河水出其東北隅爾雅曰河出崑崙墟色白所渠并千七百一川色黃物理論曰河色

黃者衆川之流蓋濁之也百里一小曲千里一曲一直矣漢大司馬張仲議曰

按張仲事出桓譚新論而漢書溝洫志議

河濁不宜觀田者乃大司馬史長安張戎字仲功今稱張仲疑誤

河水濁清澄一石水六斗泥而民競引河溉田今河不通利至三

月桃花水至則河決以其噎不洩也禁民勿復引河是黃河兼濁河之名矣述征記曰盟津河津恆濁方江爲狹比淮濟爲闊寒則冰厚數丈冰始合車馬不敢過要須狐行云此物善聽冰下無水乃過人見狐行方渡余按風俗通云里語稱狐欲渡河無如尾何且狐性多疑故俗有狐疑之說亦未必一如緣生之言也

述征記郭緣生所撰

屈從其東南流入于渤海

注

山海經曰南卽從極之淵也一曰

中極之淵深三百仞唯馮夷都焉括地圖曰馮夷恆乘雲車駕二龍河水又出於陽紆凌門之山而注於馮逸之山穆天子傳曰天子西征至陽紆之山河伯馮夷之所都居是惟河宗氏天子乃沈珪璧禮焉河伯乃與天子披圖視典以觀天子之寶器玉果璿珠燭銀金膏等物皆河圖所載河伯以禮穆王視圖方乃導以西邁矣粵在伏羲受龍馬圖于河八卦是也故命歷序曰河圖帝王之階圖載江河山川州界之分野後堯壇於河受龍圖作握河記逮虞舜夏商咸亦受焉李尤盟津銘洋洋河水朝宗于海徑自中州龍圖所在淮南子曰昔禹治洪水具禱陽紆蓋於此也高誘以爲陽紆秦

蕞非也釋氏西域志曰阿耨達太山其上有大淵水宮殿樓觀甚大焉山卽崑崙山也穆天子傳曰

天子升崑崙封豐隆之葬豐隆雷公也雷電龍

三字誤

卽阿耨達宮也其山出六大水山西有大水名

新頭河郭義恭廣志曰甘水也在西域之東名曰新陶水山在天竺國西水甘故曰甘水有石鹽白

如水精火煨則破而用之康泰曰安息月支天竺至伽那調御皆仰此鹽釋法顯曰度葱嶺已入北

天竺境於此順嶺西南行十五日其道艱阻

一作阻

崖岸險絕其山唯石壁立千仞臨之目眩欲進則

投足無所下有水名新頭河昔人有鑿石通路施傍梯者凡度七百渡梯已躡縣經過河河兩岸相

去咸八十步九驛所絕

法華傳作九驛所記謝云驛當作譯

漢之張騫甘英皆不至也

班超遣掾甘英窮臨西海備其土風傳其珍怪

余診諸

史傳卽所謂罽賓之境有磴石之磴道狹尺餘行者騎步相持經橋相引二十許里方到縣渡阻險

危害不可勝言郭義恭曰烏秬之西有縣渡之國山谿不通引繩而渡故國得其名也其人山居佃

于石壁間累石爲室民接手而飲所謂獼飲也有白羊小步馬有驢無牛是其縣渡乎釋法顯又言

渡河便到烏菴國烏菴國卽是北天竺佛所到國也佛遺足跡於此其跡長短在人心念至今猶爾

及曬衣石尙在新頭河又西南流屈而東南流逕中天竺國兩岸平地有國名毗荼佛法興盛又經

法顯傳
蒲作捕

那河河邊左右有二十僧伽藍此水逕流逕摩頭羅國而下合新頭河自河以西天竺諸

國自是以南皆爲中國人民殷富中國者服食與中國同故名之爲中國也泥洹已來聖衆所行威

儀法則相承不絕自新頭河至南天竺國迄於南海四五萬里釋氏西域記曰新頭河經屬賓犍越

摩河刺諸國而入南海是也阿耨達山西南有水名遙奴山西南小東有水名薩罕小東有水名恆

伽此三水同出一山俱入恆水康泰扶南傳曰恆水之源乃極西北出崑崙山中有五大源諸水分

流皆由此五大源枝扈黎大江出山西北流東南注大海枝扈黎卽恆水也故釋氏西域志有恆曲

之目恆北有四國最西頭恆曲中者是也有拘夷那竭國法顯傳曰恆水東南流逕拘夷那竭國南

城北雙樹間有希連禪河

觀佛三經作熙連河佛國記作希連禪河佛本行經作尼連禪河法顯傳無禪字或云河下疑又有一河字

邊世尊於此北首

般泥洹

佛國記作北首般泥洹遠法師不敬王者論云冥神絕境謂之泥洹舊作泥涅誤

分舍利處支僧載外國事曰佛泥洹後天人以新

白縷裹佛以香花供養滿七日盛以金棺送出王宮渡一小水水名醯蘭那去王宮可三里許在宮

北以旃檀木爲薪天人各以火燒薪薪了不然大迦葉從流沙還不勝悲號感動天地從是之後他

薪不燒而自然也王歛舍利用金作斗量得八斛四斗諸國王天龍神王各得少許齋還本國以造

佛寺阿育王起浮屠於佛泥洹處雙樹及塔今無復有也此樹名婆羅樹其樹華名娑羅法也此華色白如霜雪香無比也竺枝一作扶南記曰林楊國去金陳國步道二千里車馬行無水道舉國事

佛有一道人命過燒葬燒之數千束樵故坐火中乃更著石室中從來六十餘年尸如故不朽竺枝

自見之夫金剛常住是明永存舍利利

一作刹

見畢天不朽所謂智空罔窮大覺難測者矣其水亂流

於恆恆水又東逕毘舍離城北釋氏西域志曰毘舍利維邪離國也支僧載外國事曰維邪離國去

王舍城五千由旬城周圍三由旬維諸家在大城裏宮之南去宮七里許屋宇壞盡惟見處所爾釋

法顯云城北有大林重閣佛住于此本庵婆羅女家施佛起塔也城之西北三里塔名放弓仗恆水

上流有一國王王小夫人生肉胎大夫人妬之言汝之生不祥之徵卽盛以木函擲恆水中下流有

國王遊觀見水上木函開看見千小兒端正殊特王取養之遂長大甚勇健所往征伐無不摧伏次

欲伐父王本國王太愁憂小夫人問何故愁憂王曰彼國王有千子勇健無比欲來伐吾國是以愁

爾小夫人言勿愁但於城東作高樓賊來時置我樓上則我能却之王如是言賊到小夫人于樓上

語賊云汝是我子何故反作逆事賊曰汝是何人云是我母小夫人曰汝等若不信者盡張口仰向

小夫人卽以兩手將乳

佛國記作兩手搆乳按大集月藏經云牛穀乳時出醇淨乳亦讀若搆互相爲用

乳作五百道俱墜千子口中賊知

是母卽放弓仗二父王作是思惟皆得辟支佛今二塔猶在後世尊成道告諸弟子是吾昔時放弓

仗處後人得知于此處立塔故以名焉千小兒者卽賢劫千佛也釋氏西域志曰恆曲中次東有申

迦扇奈揭城也

疑當作卽

佛下三寶階國也法顯傳曰恆水東南流逕僧迦施國南佛自忉利天東下三

道寶階爲母說法處寶階旣沒阿育王于寶階處作塔後作石柱柱上作師子像外道少信師子爲

吼怖懼心伏

舊作怖效心誠佛國記云師子乃大鳴吼見證於是外道懼怖心伏而退

恆水又東逕罽賓饒夷城南南接恆水城之西北

六七里恆水北岸佛爲諸弟子說法處恆水又東南逕沙祇

法顯傳祇下有大字

國北出沙祇城南門道東佛

嚼楊枝刺土中生長七尺不增不減今猶尙在恆水又東南逕迦維羅衛城北故曰淨王宮也城東

五十里有王園園有池水夫人入池洗浴出池北岸二十步東向舉手攀樹生太子太子墮地行七

步二龍吐水浴太子遂成井池衆僧所汲養也太子與難陀等撲象角力射箭入地今有泉水行旅

所資飲也釋氏西域記曰北

宋本作西域志城北

三里恆水上父王迎佛處作浮圖作佛

疑當作父

抱佛像外國事

曰迦維羅越國今無復王也城池荒穢惟有空處有優婆塞姓釋可二十餘家是昔淨王之苗裔故